

**Bo'stonliq tumanida joylashgan "Yoshlar oromgohi"da "Uzbekvoice"
oromgohini tashkil qilish to'g'risida**

NIZOM

1. Umumiy qoidalar

1.1. Mazkur Nizom "UzbekVoice" marafoni doirasidagi "UzbekVoice oromgohi"ning (keyingi o'rinlarda Oromgoh deb yuritiladi) o'tkazish tartibini belgilaydi:

1.2. Oromgohni yuqori saviyada o'tkazish uchun O'zbekiston Yoshlar ishlari agentligi etib belgilanadi.

1.3. O'zbekiston Respublikasida istiqomat qilayotgan, 18 yoshga to'lgan millati, dini va ijtimoiy kelib chiqishidan qat'iy nazar barcha fuqarolar Oromgohda ishtirok etish huquqiga ega.

1.4. Tashkiliy qo'mita Oromgoh nizomiga o'zgartish va qo'shimchalar kiritish vakolatiga ega.

2. Oromgohning maqsad va vazifalari

2.1. Loyihaning maqsadi – ovozni aniqlash texnologiyasini o'zbek tilida qilish. Nutqni tanishni rivojlantirish, o'zbek tilini ommalashtirish va dasturiy mahsulotlarda qo'llash, o'zbek tilidagi ovozli ma'lumotlarni yig'ish va tekshirish.

2.2. Oromgohni tashkil etish orqali quyidagi vazifalar bajarilishi ko'zda tutiladi:

- O'zbek tilida ovozli ma'lumotlar bazasini kengaytirish;
- O'zbek tilida sifatli ovoz ma'lumotlarni yozuvchi volontyorlar sonini oshirish;
- Sun'iy intellekt yo'nalishi bo'yicha bilimlarini va qiziqishlarini oshirish.

3. Oromgohni tashkil etish va o'tkazish tartibi

3.1. Oromgohni tashkil etish va uni o'tkazish vazifasi Yoshlar ishlari agentligi zimmasiga yuklatiladi.

Yoshlar ishlari agentligi:

- Oromgohni o'tkazish borasida qaror qabul qiladi;
- Oromgohning asosiy bosqichlari va tartib-qoidolari haqida ishtirokchilarni xabardor qiladi;
- Barcha ishtirokchilar uchun teng sharoitlarni yaratadi;
- Oromgohni o'tkazish borasida oshkoralikni ta'minlaydi;
- Muddatidan oldin Oromgohga saralash natijalari haqida ma'lumotlar tarqalishining oldini olish choralarini ko'radi;
- Oromgoh ishtirokchilari o'rtasida yuzaga keladigan nizolarni hal etadi;

- Mazkur Nizomga asoslangan holda Oromgohning o'tkazilishini tashkil etadi.
- 3.2. Tashkiliy guruh quyidagi vazifalarni amalga oshiradi:

- Ovozli ma'lumotlarni yig'ish uchun yangi telegram bot yaratish;
- A'zolar uchun shaffof va adolatli ball berish;
- Oromgohni tashkil etishning har bir bosqichida ishtirok etish;

3.2. Saralash bosqichlari quyidagi tartibda amalga oshiriladi:

- Oromgohda ishtirok etishni istovchilar <https://t.me/UzbekVoiceBot> yangi telegram botda ro'yxatdan o'tadi;
- Audio tinglash yoki matnlarni o'qish orqali telegram botida 50 ball to'playdi;
- [Uzbekvoice.ai/.....](https://uzbekvoice.ai/) saytiga kirib va oromgohda qatnashish uchun ariza qoldiradi
- Eng ko'p ball to'plagan 150 nafar ishtirokchi lager ishtirokchisiga aylanadi

3.4. Tashkil etilishi:

- Oromgoh 7 kun davomida tashkil etiladi.
- Saralashdan o'tgan ishtirokchilarning barcha xarajatlari tashkilot tomonidan qoplab beriladi (Viloyatdan keladigan ishtirokchilarning Toshkent shahriga kelish va qaytish harajatlari bundan mustasno)

4. Oromgohning moliyalashtirish manbalari

4.1. Oromgohni o'tkazish bilan bog'liq sarf-xarajatlar quyidagi manbalar hisobidan:

- Yoshlar ishlari agentligi markaziy apparatining Yoshlarga oid davlat siyosatini qo'llab-quvvatlash jamg'armasi mablag'lari;
- Qonun hujjatlarida taqiqlanmagan boshqa manbalar hisobidan moliyalashtiriladi.

5. G'oliblarni tanlash mezonlari:

5.1. Lagerdagi tadbir yakunida ballar hisoblab chiqiladi va onlayn va oflayn ishtirokchilar orasidan tinglagan 5 ta joy va ovoz bergan 5 ta joy tanlanadi. Jami 10 ta sovg'a o'ynaladi.

5.2. Ishtirokchilar uchun sovg'alar:

5.2.1. Eng ko'p ovoz to'plagan ishtirokchilarga sovg'alar:

- 1-o'rin – Noutbuk ASUS VivoBook X513E

- 2-o'rin – Samsung Galaxy Tab S6
- 3-o'rin – Samsung Galaxy A33 5G
- 4-o'rin – Smartwatch Huawei Fit
- 5-o'rin – Mohirdev kurslari

5.2.2. Tinglash paytida eng ko'p ball to'plagan ishtirokchilarga sovg'alar:

- 1-o'rin – Noutbuk ASUS VivoBook X513E
- 2-o'rin – Samsung Galaxy Tab S6
- 3-o'rin – Samsung Galaxy A33 5G
- 4-o'rin – Smartwatch Huawei Fit
- 5-o'rin – Mohirdev kurslari